

宋朝大詔令集

宋朝大詔令集卷第一百

軍職六

夏守贇加恩制

明道二年二月七日

符四

門下國家致嚴清廟荐陳昭謝之儀有事方壇特舉躬耕之禮備威容而式序霈德澤以惟新乃眷將臣首膺賞典忠果雄勇宣力保順功臣殿前都指揮使定國軍節度同州管內觀察處置等使金紫光祿大夫檢校司徒使持節同州諸軍事同州刺史兼御史大夫上柱國會稽郡開國公食邑八千八百戶食實封貳千伍百戶夏守贇性敦沉毅行本忠純早承先帝之知久踐近司之職委之方面頗著於威聲侍夫軒墀屢聞於事政尋加外鎮俾副中權爰策勵於徒兵乃階升於騎帥勲庸斯懋倚任彌隆愬周衛之爪牙授元戎之節鉞昨以契齊禁殿裸享宗祊駐大駕於帷宮手洪厯於帝藉巡晝警夜戒

千列而奉嚴宸執銳披堅統萬師而危清障勤勞斯至褒寵仗宜是
用加食采之真封進叙功之美號斯為異數諒協僉諧於戲緝禮克
成湛恩允洽况率虎貔之旅每持金石之心特荷徽章勉思報効愈
增勵翼無介卷稽可

高維勳加恩制 同上

門下命社建侯列土有傳家之美擁麾為帥因時膺行賞之文屬典
禮之交脩乃徽章之並茂遠茲寵渥誕告彝倫衛聖忠果功臣侍衛
親軍將軍都指揮使昭信軍節度使州管內觀察使置等使金紫光
祿大夫檢校尚書右僕射使持節度州諸軍事度州刺史兼御史大
夫上柱國渤海郡開國公食邑五千八百戶食實封壹千壹百戶高
維勳詳練戎鈐該明戰器達武侯之八陣研曲逆之六奇自仗節以
臨邊善甘絕而待士撫和而訓下式遏以防閑自登齊壇益嚴師律

隱若巨屏輯此遐氓今者卜吉之從紫掖奉明馨之薦惟春之仲金
根躬耕耨之儀況率貢之爰來宜觀能而覃及載書盟府錫賦隸田
重以貞封允為優數於戲平時之將在撫衆以為先渙汗之恩因疇
功而改茂勉茲今舉克鎮大邦可

夏守贛

加恩制

崇祐二年十二月十五日口口南郊

門下朕荷上天之凝祐致絲寓之大寧恭陳歸命之儀以答豐融之
貺仍俯從於興議勉祇授於鴻名思與群倫共均純嘏眷惟良帥早
著殊勲爰疇危蹕之勞首被出綸之命忠果推誠宣力保順功臣殿
前都指揮使定國軍節度同州管內觀察處置等使金紫光祿大夫
檢校司徒使持節同州諸軍事同州刺史兼御史大夫上柱國會稽
郡開國公食邑九千五百戶食實封二千捌百戶夏守贛性資沉勇
器茂淵冲明軍志以惟寅厲忠規而益壯奉干城之重寄有泄衆之

宏才被遇先朝契風雲之嘉會典司禁旅挺金石之純誠彌彰夙夜之勤備發傾輸之節一昨吉土陪侍皇輿整仗衛以無譁訓師兵而惟肅宜示褒優之寵式旌翊戴之能峻以崇階增其多戶益茲真食併舉徽章於戲精意之禋祈靈心之昭答懋功之賞在國典以斯行祇膺既渥之恩益勵後明之德可

李用和加恩制

慶曆四年十一月口口南郊

門下國家涓景至之辰行郊報之禮祭莫尊於睿帝體莫鉅於配天惟典領於禁兵寔扈陪於齋路飲至之始進律是先載揆別辰告於列位忠果功臣殿前副都指揮使建武軍節度邕州管内觀察處置等使金紫光祿大夫檢校右散騎常侍持節邕州諸軍事邕州刺史兼御史大夫上柱國隴西郡開國侯食邑一千六百戶李用和性資沉謹志勵傾輸知經武之善猷蹈保身之懿戒而自訓齊爪士出入

嚴除節制載加武耀闡施之寄誰何克謹久司殿衛之雄爰屬類種
寔繁恭恪總師兵而輯睦侍警蹕之凝嚴允謂武材載圖忘力特仲
崇拜用示愈階烟閣之名井田之數仍增貞賦用極褒恩於威俯儀
荷王命之恭斯為令德嚴莊總軍律之要可著威名汝惟勗哉往服
于訓可

李昭亮加恩制

慶歷七年南郊

門下類帝致誠禮訖修於吉土荷天敷祐慶遐浹於絲區其有世嗣
公侯躬榮將帥夙著總戎之効宜循進律之文爰降絲綸誕告中外
忠果守正功臣殿前副都指揮使寧武軍節度利州管内觀察處置
等使金紫光祿大夫檢校兵部尚書使持節利州諸軍事利州刺史
兼御史大夫上柱國隴西郡開國公食邑九千五百戶食實封壹千
三百戶李昭亮性鍾端敏智適變通有制衆之良謀為承家之令器

環拱早揚於茂績，滿室荐洽於休聲。詩曰：貽謀易稱，善慶帶河。馮嶽能紹於先猷，投土直茅不愆于世烈。虎豹習韜鈴之略，饒繇歸臂指之蹤。統翊衛之六師，樞東西之二廣。風清競今日，著成名具揚七德之方。豈止萬天之特屬，修郊禮爰侍皇輿。勤勞載宣，忠力彌劬。是用進加寵數，式示恩私。號美稷功，賚僧多邑。旌崇之命，煥耀爾躬。於戲衍戚里之芳猷，揚名有祿。到將壇之休烈，慎守興虧。勿渝金石之誠，佇列旂常之績。可。

許懷德檢校尚書左僕射充殿前都指揮使保平軍節度司

加恩制

皇祐二年十月明堂

門下惟聖薦誠，肇崇於元配。惟天孚佑，軍及於庶官。其有夙擅武材，久推忠幹。聯本兵之往，總中禁之司。錫乃徽章，告於列位。衛聖忠果，雄勇翊戴。功臣殿前副都指揮使寧遠軍節度容州管内觀察處置

等使金紫光祿大夫檢校右散騎常侍使持節容州諸軍事容州刺
史兼御史大夫上柱國潁川郡開國公食邑二十九百戶食實封六
百戶許懷德沉雄餘力夷靡多能錄効戎旅之資旌勲旄鉞之貴典
成心之重則尺籍互明掌環尹之嚴則微道彌肅向者出陪景從入
扈齊居七萃無詳千慮有謚爾惟勤蓋予實嘉之屬宗饗之方行均
福釐而旁暨易節東陽之壤增華左揆之稱中正師名併疇并賦於
戲顧謨天命非大祭不能祇其歡對揚王休非良臣不能懋其賞欽
服茂渥性惟勗哉可

許懷德加恩制

皇祐五年十一月十一日

五年十一月十一日

門下王者稱禮宗之禮秩禋京之文展羞天地之靈致備祖宗之聖
翁臻帝殿交集神歡布慶恩章申獲懿律於茲穀旦揚于外廷衛聖
忠果雄勇翊戴功臣殿前都指揮使保寧軍節度安州管内觀察處

置等使金穀光祿大夫檢校尚書左僕射使持節安州諸軍事安州
刺史兼御史大夫上柱國潁川郡開國公食邑二千六百戶食實封
九百戶許懷德植操溫嚴蘊材沉毅置威名而有裕宣武略以無前
向歷藩垣比登巖陞克寶程密允賴訓齊比者自宮徂郊再宿為信
屬車之列扈從以清塵皇卹之居誰何而警夜服勞斯美圖勛所先
是用員峻于三大夫品崇於八柱國疇其多賦增及爰田以洽殊私
以昭異獎於戲精而勤力式壯於聲容賞以勸功載陞於命數往膺
茂典益宜欽哉可

許懷德加恩制

嘉祐元年九月十日
六日口口不謝

門下王者受天明福百順之享弗頌肆告縣區萬方之慶斯洽矧予
良帥久扈禁宸屬祭日以賞功循國章而進律俾宣威命中告外庭
銜聖志果雄勇翊戴功臣殿前都指揮使保寧軍節度安州管内觀

察處置等使光祿大夫檢校尚書左僕射持節婺州諸軍事婺州刺史兼御史大夫上柱國潁川郡開國公食邑四千三百戶食實封玖百戶許懷德剛直而和樸忠以竇練達軍政於武經居得士類之歡心勅叶幾先而發慮善敢勇以行己能謹畏而勅躬頃護塞垣奮乃執戈之効親提禁旅毅然御衆之才一登將壇屢更帥節荷有莊重之稱固勤宿衛之勞翊我齊居訖于詞事奉威儀而有恪肅內外以無詳宜疇爾能以申朕命特峻貴階之等仍加果色之田真舍衍封徽章備舉於戲神休擁集方懌以克承王澤率眾無忘於是荷勉膺光寵益勵劔齊可

許懷德加恩制

嘉祐四年十一月
日口日詔事

門下嘗以想功俾有能之知勸祭之為澤思在位以咸均嘉感禮之斯成務推恩而惟廣矧乃睿明之彥是為心膺之臣宜爾優隆式揚

誕告衛聖志果雄勇翊戴功臣殿前都指揮使保寧軍節度婺州管
內觀察處置等使特進檢校尚書左僕射使持節婺州諸軍事行婺
州刺史兼御史大夫上柱國潁川郡開國公食邑五千戶食實封壹
千貳百戶許懷德勁勇之質蓋秉天資忠厚之良自為國器少有四
方之志出逢千載之辰蘊其材謀能自奮勵訓我士卒現今之信甚
明為予爪牙介冑之色難化爰采軍中之譽俾分關外之權遂膺髦
節之榮專董貔貅之旅宿衛宮禁周旋歲時宣力其勳有知無不為
之節盡瘁後已加老而益壯之心誠未耗於精明豈但矜于夔縶屬
受釐之均慶方浹宇以蒙休載推圖舊之懷式叙時勞之典茲其封
食錄乃功庸於戲享爵祿之崇高荷寵靈之優渥挺金石不渝之操
茲惟事中之誠知富貴克守之難用保有終之吉勉矣未効任其欽
哉可特授依前尚書左僕射持節婺州諸軍事行婺州刺史兼御史

大夫充殿前都指揮使保寧軍節度安州管内觀察處置等使加食邑七百戶仍賜衛聖忠果雄勇宣力翊戴功臣散官勳封如故主者施行

李璋授殿前副都指揮使武康軍節度使制

門下羽林神兵北環天衛之象黃帝戰法中嚴邦律之師國家屯武林於四選提禁屯於十列進搃凝巖之護歷圖効傑之資稽衆得人告廷孚命具官某氣沉而果事性裕而知方厲許國之單忠達治兵之善志緒服高華之望名推親信之良朕念常樂之慈愴不及養願渭陽之族聞蓋多賢自擢領于戎昭已積遷于留寄屬巖除之缺帥宜齊錢之命才六蘇啓途既襲重侯之首萬兵留帳方資綏帶之安雖其素勞不曰異寵於戲執干戈則有社稷之衛常慎於假人聽鼓擊則懷將帥之思實深於注意維蹈忠義者急於報主蓋喜功名者

要之達時勉規壯圖尚率明訓可

天聖月言人第一

一

宋朝大詔令集卷第一百

宋朝大詔合集卷第一百一

軍職七

李璋依前殿前副都指揮使武康軍節度使加食邑實封功臣制明堂

門下夫物莫不本於天人莫不嚴於父朕靡牲玉之愛所以反始之祈感霜露之臨所以奉先之饗於是稽祥符之肇志酌皇祐之闡文載謁路寢之居以放合宮之位音和而群物至孝養而上臨通俞受天符發為邦渙具官某性質沉毅材謀肅良動於三略之微隱矣萬夫之傑蹈世忠於舊閱懋邦器於遠圖朕富其中區靡違親顏之侍恩流外戚莫隆舅族之賢固已伏紳鉞於除繁侯章於茅社會講及大事倚綏功臣自齊居繁闡肅陳千列之衛延順祇清廟安護六飛之行道拜昨於裡庭首議勞於盟府功以號進勳如賦加式推神惠

之蕃並為師服之寵於戲保富貴之匪易而要德之所以終期功名之匪難而要時之不可失往率至訓益思今固可

李璋授依前武成軍節度使加勳食邑制

門下朕肇程陽郊先事世室禮行而孝慈服誠至而福瑞熙參繹內外之勞合乎上下之施時先列位我有勳臣具官某性稟沉雄材資敏濟蹈世忠之一節明軍志之大方況西京之外家實先帝之內弟千廬列位入提禁旅之巡十乘啟行出總藩旄之寄稱教士訓勦殲民苛屬講宗祈之文首虔方貢之職肆靈煥之昭聽按獎典以均休陪以列戶之封錫之茂勳之等茲為異數以格前異於戲有命自天甫渙風霆之號乃心爾位尚綏車服之榮不懈其承惟慎無致可却賢授殿前都指揮使安武軍節度使加勳食邑實封制

門下國家統御之勢大維持之業隆外倚四嶽藩翰之臣中謀萬大

純虎之帥故奉委裘而群情固聞受瑁而三靈趨聲臨發政之辰首
下頒朝之命具官某性資莊厚氣略沉雄通玉帳之善經體金行之
正氣自昔先帝知為勁臣因其勳舊之名立在親信之地會緞衣之
陳曠提衛甲之環宮曾無夜警之謹自得剛牙之重紹帝符於景祚
渙邦號於前桑視袂冠於文昌徙節臨于安武加以總正使範敦封
井朕並旌巖陞之勞以奉師于之寵於戲天之壁壘象在羽林王之
爪牙賦于圻父蓋地嚴則必資拱扈之力師衆則尤賴訓齊之方性
堅壯圖思荅殊遇可

李璋檢校右僕射改前都指揮使建雄軍節度使加恩制

嘉
八年四月
十二日

門下朕奉憑几之遺言膺踐祚之重寄惕焉若厲懼不克勝惟時賞
賚之行厥有政常之舊盍申前訓昭示至公翊衛功臣殿前副都指

揮使武康軍節度洋州管内觀察處置等使金徽光祿大夫檢校工
部尚書使持節洋州諸軍事洋州刺史兼御史大夫上柱國平原郡
開國侯食邑一十一百戶食實封四百戶李璋當朝近親奕世積德
地連戚里不以貴富而自矜職在殿巖惟知樸謹之為守先王違稼
肆朕縱承朕巡有嚴表裏惟移尚書右相全晉大邦臨長師聯進開
國公重陪多賦仍衍真封擬光所加賢今攸屬於戚遭家不造方艱
疚於子懷衛社有勞宜褒優於乃績勿忘忠蓋永對玉圖可

賈逵建武節度殿前副都指揮使制

元豐元年
七月癸亥

觀羽林之文上以環於帝極到鈞陳之位內以苞於王宮引天下之
精兵飭殿中之厚衛咨爾良帥告予大廷雄勇忠果亮節保順守正
翊戴功臣侍衛親軍馬軍副都指揮使昭信軍節度觀察留後金徽
光祿大夫檢校吏部尚書使持節度州諸軍事度州刺史兼御史大

夫上柱國河內郡開國公食邑四千九百戶食實封一十戶賈遠氣
毅以和性沉而敏心通奇正之學謀合韜鈴之書久握軍符履更事
務且外心萬騎自先十乘之行而中附千廬孰長萬夫之政命惟子
慎才莫汝宜是用遠班戰纛之嚴近付龍牀之衆總司尺籍密侍禁
除維旌節之有綢維爪牙之無卹於戲戎車靡伐既居上將之元師
律允臧乃迪大人之吉蓋喜功名者時患易失保富貴者終懼難圖
尚有壯猷思率明訓可特授依前檢校吏部尚書持節邕州諸軍事
邕州刺史兼御史大夫充殿前副都指揮使建武軍節度邕州管内
觀察處置等使

楊遠寧遠軍節度使殿前副都指揮使制

元豐二年正月壬午

國家宿勁兵於京師嚴近衛於宮禁有周廬之十列應如軍之七星
肆擇忠良董司紀律乎此顯命告于治朝侍衛親軍副都指揮使容

州管内觀察使金紫光祿大夫檢校工部尚書使持節容州諸軍事
容州刺史兼御史大夫上柱國南陽郡開國公食邑四千一百戶食
實封九百戶楊遂稟肅毅之資懷沉敏之略奮身許國彰趙士之曼
縷厲志圖功撫臧宮之鳴劍揚我武節為時虎臣出臨塞垣歸絕屯
騎屢闕陞巖之帥疇當齊城之權老於治軍無以易汝由庶車而建
大轟提尺籍而危中宸位既超滌地在親倚於戲維士伍輯膝乃免
祈父之譏維號令信明則無李法之慢畏慎所以持富貴勤勞所以
答龍光往肩爾誠勿替予訓可特授依前檢校工部尚書使持節容
州諸軍事容州刺史兼御史大夫充殿前副都指揮使寧遠軍節度
使容州管内觀察處置等使

楊遂依前殿前副都指揮使寧遠軍節度使如恩制

門下朕涓練時日共嚴帝親款詞靈官告假清廟恪駕車之貺飾張

滿帳之煥黃惟咸一德股肱之臣與不二心熊羆之士或相祀左右
或禦侮後先遠熙事之休成宜寵光之布道具官揚遂矯矯嗜義愔
愔束忠得氣俗於山西有威名於疆外總司武旅訶衛鈞陳肅若萬
兵之無譁遠茲三獻之畢禮屬均靈既特舉褒章增衍爰田陪敦真
食於戲欽翼祇慄已極事天之誠夷易龐鴻俾同稱物之澤毋忘丕
訓益宣壯猷

盧政授殿前副都指揮使武泰軍節度使制

元豐三年十月
二月癸未

內衛王宮莫重親兵之寄外分將閫有嚴總帥之推肆擇虎臣武綏
統旅誕揚明命乎告大廷侍衛親軍馬軍副都指揮使點州管內觀察
使使持節點州諸軍事點州刺史定州路副都總管上柱國平原郡
開國公食邑四千戶食實封三百戶盧政受材勁彊秉志莊翼義色
形于介冑奇略得于鉛鈴蚤更武服之勞久握軍符之重赴功不懈

治衆有方願千列之周慮拱三階之紫極中嚴師律繫于心齊之良
增廣國威屬爾水牙之任錫之徒御授以鉞旄非特厚顧榮之私蓋
以觀董齊之攻於威維寬猛允濟迺輯睦於士心維忠順建常可保
承于天寵注肩誠節勿替訓辭可特授依前持節點州諸軍事點州
刺史充前副都指揮使武泰軍節度點州管内觀察處置等使赴
闕貢職

燕達除殿前副都指揮使武康軍節度使制元豐四年八月己巳

析父之官司王爪士上將之任為國虎臣予得智勇之材俾共左右
之衝詵揚休命播告大廷侍衛親軍馬軍副都指揮使金州管内觀
察使持節金州諸軍事金州刺史上柱國河南郡開國公食邑二千
二百戶燕達拔迹戎行屬躬武節深明分數之守兼謀變通之權捍
外侮于西陲佐濯征於南服嘗鼓篋趨阨以奮率燕徒能降城艾旗

以邊定通寇風付簡稽之籍進督號噉之軍人知訓齊衆不詳亂足
嚴師律摧獲殿嚴越從庶車遂總齊鉞於戲惟威爰足以臨下惟忠
義可以報君勤懋乃心欽迪朕意可特授特節洋州諸軍事洋州刺
史充殿前副都指揮使武康軍節度洋州管内觀察處置等使勳封
如故主者施行

燕達加恩制 而卽元豐七年

門下朕祿毫于廟以承祖宗之休颺煙於郊以迎天地之貺時則有
播紳之輔以昭相於祀儀時則有龍虎之臣以肅清于兵衛肆頌明
命敷昭群倫具官某謀果而周氣和而毅訓齊師律素號于嚴莊總
治戎昭亦多乎整暇屬我聲靈之舉扈予清蹕之行林林萬夫晨趨
於驚駭嚴嚴三帥夜警於帷宮既復考于禮文宜肆均於神惠錫以
茂勳之等陪之多升之朕於戲徠祇郊而神所懷既叶天人之助上

有澤而下必至宜先將帥之臣益茂乃忠以對于寵

燕達授檢校司空加恩制

元豐八年哲宗即位

門下同之有德也選將以一三軍之心漢之全盛也擇人以折四方之難矧惟寡德發紹玉圖宜褒序于虎臣俾統綏于龍旅具官某氣勁而勇謀果而周出治戎車固多整暇之譽入齊師旅素載嚴莊之稱遭國宅憂拜朕承極徽巡甚肅表裏維寧是用更華將鉞之雄總職嚴巖之寄視杖空土衍食爰田於戲安不忘危予則寵于城之烈忠而能力爾則保爵祿之榮往服休嘉益思懋勉

燕達加恩制

元祐元年明堂

門下朕卜季秋之辰修宗祀之禮我將我享載祈上帝之休丕顯丕承祗誦彌宮之烈惟卜萬夫之長董于諧衛之思其敷寵章以昭群辟具官某造世熙洽取位顯融稟氣俗於山西積勤勞于闕外擁旄逆

野早傳師律之莊折誠嶠南學懋戰多之賞屬舉合宮之饗扈陪大
駕之行方申錫於靈符宜進膺于寵典多與之邑以圖爾勞於戲解
古曠文實國大事內則倚播紳之輔以協相於祀儀外則賴貔虎之
臣以肅齊於士氣往承寵渥益茂忠嘉

步軍副指揮使苗授建節殿前副都指揮使制元豐三年

出總元戎作先聲于士氣入為環尹寓軍政于國容將伸閭外之威
以迪師中之吉咨于爾衆朕得其人侍衛親軍步軍副都指揮使威
武軍節度觀察苗後持節福州諸軍事福州刺史上柱國濟南郡開
國公食邑二千八百戶食實封三百戶苗授早以異材見稱武略被
服忠義有烈大夫之風砥礪廉隅得士君子之舉存揚邊圉益著勞
能拔自衆人既蒙先帝之遇遂拜大將無復一軍之驚祇扈殿巖肅
將斧鉞予欲少長有禮而兵可用汝其夙夜在公而今必行於戲愛

克厥威罔功茲為深戒師衆以順為武古有成言惟懋乃衷毋忘朕
訓可特授持節黔州諸軍事黔州刺史克殿前副都指揮使武泰軍
節度黔州管内觀察處置等使勅封食實封如故

苗授罷殿帥檢校司空移鎮知潞州制

元祐四年
七月十日

門下上將之任本智略以為先萬夫所望亦材武之兼尚惟擢拜之
未幾臣辭疾以告勞言念愀誠式敦明命殿前副都指揮使武泰軍
節度黔州管内觀察處置等使持節黔州諸軍事黔州刺史上柱國
濟南郡開國公食邑二千八百戶食實封三百戶苗授早讀兵法有
志事功久踐戎行自詹邊鄙入參環列既被遇于先朝累積歲勞適
謀遷於元帥遂分旄節之寄克諧卒乘之權宿衛逾年勤勤為請懇
獨賢於煩使俾整佚於近藩爵加貴名邑衍真食潞子之舊俗武而淳
守土之臣事簡且暇於戲建轟而出知罷數之不移勿樂有瘳幸年

歲之未暮臥理非壯士之節力疾有忠臣之風勉旃安平起就勲業
可特授檢校司空持節房州諸軍事房州刺史充保康軍節度房州
觀內觀察處置等使知潞州軍州事兼管內勸農使兼提舉澤晉絳
慈遼州威勝軍屯駐駐泊就糧本城兵馬巡檢公事替韓宗古加食
邑五百戶食實封二百戶勲封如故

劉昌祚授殿前副都指揮使武康軍節度使制

元祐四年七月十日

門下都書衛兵莫如國朝之盛次補元帥蓋本祖宗之常願惟萬騎
之選師重以千廬之嚴徵飲衆心之素服非宿將而莫當誕告在廷
咸聽朕命侍衛親軍步軍副都指揮使冀州管內觀察使持節冀州
諸軍事冀州刺史上柱國彭城郡開國公食邑一千九百戶食實封
一百戶劉昌祚奮由弓劍資以鉛鈴整於治軍材出邊將之右勇於
對敵聲著隴山之西乃者取其先朝指縱之餘授以平原總護之貴

穹廬久困既欵塞以來廷環尹適虛歸釋甲而御衆爰加旌節之重
以壯棘門之觀旌旆不移什伍如故當使少加甄令自益精明於戲
仁尼附衆則六師不擾威能充愛則萬夫可齊亦俾純誅之徒咸知
忠孝之節勉矣來効往其歟哉可特授持節洋州諸軍事洋州刺史
充殿前副都指揮使武康軍節度洋州管内觀察處置等使勅封食
邑實封如故

宋朝大詔令集卷第一百二

軍職八

劉昌祚加恩制 元祐四年宗祀

門下朕因路寢之正舉合宮之詞禮樂法商周之隆車服薰漢唐之盛出款原廟還向上穹職貢充庭工師履位兵衛如植旌旆不煩資惟有人以克成禮殿前副都指揮使武康軍節度洋州管内觀察處置等使持節洋州諸軍事洋州刺史上柱國彭城郡開國侯食邑一千九百戶食實封壹百戶劉昌祚天資驚勇性本忠良結髮從軍枕馬上之飛將授鉞臨塞皆關中之要區方西鄙之須材會中軍之謀帥昇之旋節之重付之貔虎之師歸閱浹旬旋聞輯睦逮此熙成之慶賴其宿衛之勤既增封爵之崇仍加真食之厚於戲古之明王立賞以待有功古之賢將有功而耻自列服于霑澤之異勉爾勲名之

恩膏富益恭老當益壯可特授依前云云進封開國公加食邑七百戶食實封貳百戶勳如故

苗授殿前副都指揮使保康軍節度使制

紹聖元年正月庚寅

國家重內輕外彊本弱枝簡指將帥之臣總率熊羆之士式敷洪範圖任舊人檢校司空右衛上將軍上柱國苗授為時虎臣學古兵法智略發於洮隴威名震乎邊庭被遇先朝推司禁衛迺者進受亢戎之寄肅將齊鉞之嚴出偃介藩退休祠館祭遵好禮緩帶而雅歌欽德成功深居而高臥時若中軍之任莫如宿將之良藉其老成起以舊節入為環尹祗扈殿嚴於戲帥乘用和唯忠勇則兢勸旌麾不改矧號令而一新徃懋乃心無忘朕訓可特授檢校司空充殿前副都指揮使保康軍節度房州管内觀察處置等使

姚麟建節制

紹聖二年九月丁巳

外則提將之符折衝萬里內則握兵之要環列千廬非有斥境干城
之材曷副投鉞擁旄之任得人以統揚命惟休侍衛親軍馬軍副都
指揮使建武軍節度觀察面後姚麟嚴翼以善謀沈雄而有暇蚤共
武服同訖天誅自奮直前稟山西之勁氣所當輒破馳塞外之威名
積有戰多顯登勇爵荐歷營屯之長罷加後務之留惟是親兵重於
謀帥綏子羆旅繫我虎臣其解平涼之章還東武康之節總司尺藉
密侍禁塗脩大將之威儀壯中軍之鋒穎於戲宣王弗純乎正雅以
祈父之不聰周公戒用於常人在虎賁之知恤往祇朕命尚悉乃心
可特授持節洋州諸軍事洋州刺史充殿前副都指揮使武康軍節
度洋州管内觀察處置等使

殿前副都指揮使姚麟移鎮升使制

元符三年正月
徽宗即位

門下朕欽承寶位續紹丕圖遣大投艱惕循祖考之烈扞難禦侮實

賴爪牙之良宜褒衛社之勤中錫告廷之命武康軍節度使殿前副都指揮使姚麟器賢剛毅術略深沉馳塞外之雄名稟山西之勁氣蚤分將閫之鉞允護殿巖之兵連家室爰肆狀紹服徽巡肅給內外詳用更瑞節之旄俾易名藩之屏越升位序中衍并朕於戲任賢使能王者所以御世歸美報上忠臣所以事君勉迪壯猷答揚休命可特授檢校司空充殿前都指揮使建雄軍節度使

曹誦罷軍職建節充中太一宮使制

門下朕順名器以昭大功之治簡材能以授元戎之權乃眷沉雄之英允揚忠實之効肆頒異數誕告群功侍衛親軍馬軍副都指揮使福州管内觀察使曹誦賦篤實之姿懷闊博之量閱試惟舊才猷有聞扈殿陞之寅恭總禁屯而嚴翼況武惠之烈著在邦家慈聖之仁覆于寰海汝惟勳戚之緒克瘁勤勞之誠豈獨聯肺腑之親實亦膺

爪牙之任，繇居環衛，屢易歲陰，茲用褒嘉，特遷位秩，處以祠庭之逸，錫之將鉞之華，付洋川之樂郊，昇武康之鉅鎮，於戲，敷詩閱禮，夙高元帥之風，植燾建旄，益壯中軍之勢，往其勉懋，對此寵光，可特授持節洋州諸軍事洋州刺史元中太一宮使武康軍節度洋州管内觀察處置等使勳封食實封如故主者施行

姚古昭慶軍節度使加食邑實封制

政和六年七月二十日

門下建牙授鉞式嚴外間之威，剖竹分符，久重要藩之寄，眷時宿將，克著宵公，顧提秦之上聞，豈褒章之可後，直孚群聽，明告治朝，侍衛親軍步軍副都指揮使保平軍節度觀察留後充環慶路經略安撫使兼馬步軍都總管兼知慶州軍州事及管内勸農使吳興郡開國侯食邑一千六百戶食實封壹百戶姚古智慮精深材資果達共武之服伏忠信以必行中事之機歷艱難而獨奮世稟山西之氣衆推

河右之功內則分衛于千廬外則折衝於萬里威名夙著號令益精
備禦得宜拊循有素爰整其旅徃城于方條執豪酋蕩平稂落坐據
襟喉之地潛銷強場之憂是用頒右制之節旄固慶陽之屏翰併增
多賦申衍真封載昭懋賞之功式示見知之厚於戲每懷靡及允資心
膂之良用戒不虞尚倚干戈之衛無煩于訓益奮爾庸可

高侏拜太尉制政和七年正月十日

門下朕祇適先猷肇新武選眷乃主兵之任允為極品之官肆圖其
人允慎茲位惟時宿將嘉成績之居多揚於大廷渙褒章而首及殿
前都指揮使奉國軍節度使渤海郡開國公食邑二千戶食實封玖
伯戶高侏材周以欽志大而剛果斷沉雄夙著爪牙之効忠勤慤慎
肆推心膂之良嘗事潛藩永肩誠節頃臨邊寄屢奏戰多暨密侍於
殿嚴實入提于禁旅寬而有制肅以無詳載念勲庸申加位序惟亞

居近輔時為掌武之臣而列衛周廬亦曰總戎之寄名與實稱非賢
莫居命以時數稽衆惟允不改旌麾之舊有嚴號令之新於戲四方
無虞蓋倚干戈之衛萬邦為憲尚資惟懼之籌蓋既乃心勿忘朕訓
可

郭仲罷軍職除建武軍節度使佑神觀使制

和七年八月

門下提兵環衛克殫共武之勤解組和門宜飭閑勞之典眷乃虎臣
之近力辭騎旅之嚴其考協於思章俾超陞於位序宣揚詔綵猷告
廷紳侍衛親軍馬軍副都指揮使安州觀察使永嘉郡開國侯食邑
一千二百戶食實封叁百戶郭仲率德沈雄稟資勇毅夙邁韜鈴之
略聿高介胄之才從王旅以宣威擁戎旌而敵愾如江如漢載績武
功我陵我阿有指彊土蔚彼山西之望藹然徽外之名粵被蒐揚荐
膺器使周廬千列晏陪星位之師尺籍伍符久總羽林之政進則侍

殿巖之秘退則修軍律之繁彈壓有方肅清為最累額天而滙怨祈
引疾以投閑式諒忱誠許休禁務越自庶卓之重峻躋師成之崇置
使祠庭疏封采邑以示初終之遇以昭出處之光於戲雖曰均休尚
倚藩垣之寄勉圖勿藥用符羣鼓之思仰對褒嘉永綏壽嘏可

劉延慶保信軍節度使充殿前副都指揮使制

政和八年五月五日

門下設齋壇而投闔外崇邊圉之庸提尺藉以典軍內峻殿巖之寄
惟予勇將克著庸公肆因振旅之還併錫揚庭之寵侍衛親軍步軍
副都指揮使恭寧軍承宣使鄜延路馬步軍副都總管彭城縣開國
子食邑五百戶劉延慶材全果毅資賦勁嚴沈雄推塞上之豪精厲
得金行之氣誓心許國嘉忠節之不回結髮從戎凜威名之已播倚
虛而入則有折箠執俘之効乘機而動則有攻城略地之謀久當一
面之虞允謂萬人之敵蠢茲夏寇自速天誅勤我樞臣出宣廟算以

爾有幹方之武于時分統眾之權徒御嗶嗶蟻蟻之群大潰臨衝第
第烏鼠之穴遂平適觀奏愷之音用饒懋官之典俾建高牙於巨屏
入聯環尹於周盧進開侯服之封申行戶租之食於戲聽鼓擊而思
將帥子方厚於勤歸衛社稷而執干戈爾益堅於報上欽承明訓圖
稱異恩可

劉延慶檢校太保制宣和元年六月十七日

門下曜神武而折遐衝非威懷何以示德勸有功而厲戎士惟名器
不可假人比興薄伐之師徃殄弗庭之寇若時秦愷既宣辟國之徒
逮此策勲並渙懋官之典肆盼明命孚告群工殿前副都指揮使保
信軍節度使彭城郡開國侯食邑一千戶食實封貳百戶劉延慶稟
質沈雄挺資果銳聲聞邊鎮員材氣之無雙勇冠戎行推戰功之第
一屢奏屢兵之勝每觀得雋之却有蓋跳梁尚闕吾圉實佐鋒旗之

討既先貝冒之行王旅嘽嘽方厲拔柱之氣虎臣矯矯已成拔幟之
謀烝徒被羽而膺揚敵國望風而歎駭西戎即叙爰輸款附之誠四
方既平斯播勞還之雅乃寵褒于飛將俾進陟于貳公以暢天聲庸
作爾祉於戲有德以立武事允臻疆場之安稽首以揚王休肆共勲
名之保無忘壯略期稱異思可

劉仲武瀘川軍節度使制宣和元年六月十七日

門下王者之師無戰討叛所以伸威天子之錫有功班爵所以厲世
蠶茲夏寇警我邊陸載昭師律之嚴夙授廟謨之秘惟時良將克著
顯庸誕乎贊冊之辭用聳治朝之聽侍衛親軍步軍副都指揮使保
靜軍承宣使彭城縣開國子食邑五百戶食實封壹百戶劉仲武識通武
志材壯戎容慮光千里之微勇冠萬夫之表援桴鼓之急誓弗及
於身謀躬介冑之勞情每形于表色夙有履軍搴旗之功矧兼收

人御衆之長方王旅之濯征指賊鋒而迅往中推後勁乘鼓僥阻隘
之機彼竭我盈有拉朽摧枯之勢所獲萬計悉平三城丕昭辟國之
圖永絕窺兵之釁周廬改組用彰注意之專巨屏建旌肆懋策勲之
渥既多受祉式適其歸於戲飲至而昭文章茲有告成之典制軍而
糾邦國尚賢馭遠之方祇服思輝益肩忠略可

种師道保靜軍節度使制宣和元年六月十七日

門下政典以九伐平國莫嚴負固之誅勲官以六賞等功爰重戰多
之祇乃眷乘邊之帥久勤經武之圖比涖師征遂成軍勝方序勞而
詔爵宜乎號以揚廷侍衛親軍馬軍副都指揮使降授隴州防禦使
涇原路經略安撫使兼馬步軍都總管兼知渭州軍州事管勾神霄
玉清萬壽宮及管内勸農使种師道氣勁以莊智明而果邱樊養素
家承谷口之賢草木知名代有山西之將蚤以風猷之助歷更事任

之繁惟奇正之兼通故攷鈴之洞貫吹付戎昭之重實提闡政之雄
屬適寇之陸梁統烝徒而討殄天戈直指無利兵彊弩之乘賊壘蓋
平何戰格雍門之拒襟帶拓蕭關之戍風霆開靈武之圍肆茂舉於
嶽章重玉揚於偉績解和門之秘共還號噉之軍投齊鉞之嚴用壯
藩垣之寄矧已盼於申命茲併示於眷懷於戲脩我戎而整六師允
屬憲邦之望矢大德而洽四國尚資固圉之謀益勵乃忠以欽時命
可

高休除使相制

門下紫樞通帝極之嚴茲謹九重之衛槐位辨外朝之正式尊四近
之賢瞻言宿將之英久總禁戎之重厚德惟美用孚圖舊之求嘉績
居先宜訂陟明之選誕揚褒律數告庶工太尉奉國軍節度充殿前
都指揮使兼神霄宮副使渤海郡開國公食邑三千四百戶食實封

壹千叁百戶高俅智敏而行完才宏而量博弧矢之威天下妙臻百中之能詩禮之帥中軍雅者異聞之善遘風雲之享會依日月之休光將幣邊庭耀使華於漠北收疆戎塞聳戰氣於山西峻更三帥之雄嗣董周廬之次侍殿陞者幾二十載護總旅者踰百萬夫號令嚴明肅和門而無犯軒墀遠密拱宸扆以攸寧冠增武品之階起視政機之數爰念勲勞之舊孰可與倚載惟攀附之良見存無幾宜䟽殊寵以示眷懷驛節瑠戈仍高牙於鉅鎮元袞赤舄通揆路之華班用增國體之崇尚倚兵權之要進叢霄之使組敦采邑之圭朕丕昭因任之明茂舉報功之利於戲爵祿之詔八柄允諧德業之修文武之憲萬邦期輔安強之治懋膺予訓益邁爾庸可特授開府儀同三司依前奉國軍節度使兼領殿前都指揮使職事充神霄宮使加食邑七百戶食實封叁百戶

宋朝天語令集卷第一百二

宋朝大詔令集卷第一百三

武臣一

除拜

江南進奉使李從善奉寧軍節度使制

制寶五年閏二月癸巳

爵賞之設所以勸忠藩屏之寄適彰無外賧惟江表夙奉朝經每竭勤王之誠尤恭事大之禮屬朕新平南越再祀上元命同氣以入朝備充庭而助祭雷雨均覃於慶澤旌幢宜被於明恩江南進奉使李從善和順積中孝友成性秉先正義方之訓叶詩人愷悌之稱爰受教於乃兄來獻琛於上國苞茅入貢既伸述職之心胙土分封是委殿邦之任矧惟克海素疏異區俾資鎮撫之才豈怯便蕃之寵上公亞相用示兼榮當體瞻懷勉思佩服可特授光祿大夫檢校太傅使持節克州諸軍事行克州刺史兼御史大夫上柱國克恭奉寧軍節度

使充沂等州觀察處置等使仍封隴西郡開國侯食邑一千戶

折御勳加恩制

太宋即位

門下上帝睽懷復繼十年之運良臣推戴頗彰宣力之勞家區之大慶方行雨露之明恩是降屬茲剛日爰舉徽章具官折御勳武略資身勳門襲慶佐國頗輸於忠節傳家不墜於今名北方克靜於煙塵東嘗尋膺於節制適屬承祧之運宜嘉進律之恩俾陟崇資用明優寵知我旌酬之意勉頌恭順之誠無忘訓詞永受多福可特授闕

石守信高懷德加恩制

太宋即位

門下朕昨者上遵遺旨下迫群情登九五之統臨為億兆之司牧顧惟眇質何以克堪允資推戴之勳宜舉旌酬之典具官石守信星辰間氣社稷元臣洞戰代之沉機秉忠貞之大節具官高懷德戎門繫慶煙閣圖形傳弓冶之良基享公侯之貴位而皆翊扶昌運伸展壯

圖威臨重地之山河牙作萬家之禱
縉于嗣特示褒揚載做顯陟於崇資左相榮昇於重位仍踐維師之扶用優進律之恩勉傾盡瘁之明誠永輔惟新之至化伊爾舊德何假訓詞守信可闕

李重勳李漢瓊劉過楊美加恩制

即位

門下朕續嗣基圖統臨寰宇荷上帝賡懷之命賴良臣翊戴之勞宜當布政之辰特舉疇庸之典具官李重勳橫戈負勇撫劍圖功挺金石之明誠激風雲之壯氣具官李漢瓊為時宣力臨敵增雄親矢石以無辭聞鼓聲而竊拊其官劉過洞明軍志深達戰機服甲冑以忘勞指烟塵而必殄其官楊美山西擅譽隴上知名奮雄略以平戎竭忠規而許國而皆受十連之重寄典為旅之雄師九霄特示於殊恩一品咸遷於重秩期為異數允答茂勳更資拱極之志永佐守文之運欽哉四帥各勗乃心重勳可特授漢瓊可特授劉過可特授楊美

可特授

趙贊馮繼業加恩制

太宗即位

門下上元賧命鍾麻數於眇躬群后叶心著勲勞於王室雨露方均於慶澤絲綸特舉於彝章當予績嗣之辰表我便蕃之寵具官趙贊重侯殷虔餘力知書臨戎彰大樹之名化俗繼甘棠之美具官馮繼業戎韜觀與武略資身握兵知善戰之方御下有必行之令而皆佐十年之景運享十乘之殊榮里閭盡革其流風封部自成於樂土宜示褒揚之寵並覃優異之恩啓大國以疏封表汁人之注意各奉山河之寄無忘帶礪之言佩服訓詞永揚休問贊可特授繼業可特授

孟元喆定武軍節度使崔彥進河陽三城節度使制

太平興國二年

十一月

門下王者出綸宣命易地卑恩用旌鎮撫之勞特示便蕃之寵况中

山名部河上要津苟非守土之良臣豈副分茅之重寄推誠保順翊
戴功臣永清軍節度貝州管内觀察處置等使特進檢校太師使持
節貝州諸軍事行貝州刺史兼御史大夫上柱國平原郡開國公食
邑三千五百戶食實封一千戶孟元詰鸞鳳秀質珪璧清輝孤虛素
練於戎機寬猛善通於民政推誠奉國忠貞翊戴功臣彰信軍節度
曹州管内觀察處置等使金紫光祿大夫檢校太師使持節曹州諸
軍事曹州刺史兼御史大夫上柱國清河郡開國公食邑二千七百
戶食實封二百戶崔彥進鷹鷄俊氣干鏃雄銳橫戈早負於壯圖躍
馬常推於堅陣而皆明誠自許亮節無渝山河分屏翰之憂竹帛著
勤勞之節佐子昌運咸竭忠規是宜降雨露于明廷改節旄於雄閫
資爾惠氏之政體予求理之懷欽哉二臣無替朕命可

孟元詰開府儀同三司加恩崔彥進加恩制同前

門下被袞冕而事上元祇寶玉而膺徽號時惟重禮當舉霽恩首於
裂土之臣得進奉牽之命輸誠保順翊戴功臣定武軍節度使定州
管内觀察處置北平軍等使特進檢校太師使持節定州諸軍事行定
州刺史兼御史大夫上柱國平昌郡開國公食邑三千五百戶食實
封一千戶孟元詰藉於賁胄綽有俊方溫恭不懈於檢身寬裕克敦
於履道向從分器迭委殿邦政頗洽於風聲事善循於侯度推誠奉
國忠貞翊戴功臣河陽三城節度孟州管内觀察處置河堤等使金
紫光祿大夫檢校太師使持節孟州諸軍事孟州刺史兼御史大夫
上柱國清河郡開國公食邑二千七百戶食實封二百戶崔彥進望
重舊勲任崇上將截水犀而有勇較岸虎以揚名績既茂於棘門貴
遂分於戎閫治亂絕則姦豪屏息行甘雨則疫瘡潛蘇俱懸就日之
心益驗凌霜之標俾光懿節並錫寵章滿其挾金石之誠勉暨始卒

煥新常之業永保聲猷可

李漢璞劉遇加恩制 同上

門下對越穹昊祇膺典冊率土既敷於大慶列邦首屬於茂恩當公
則行朕命惟允惟忠宣力同德功臣彰德軍節度相州管内觀察處
置等使銀青光祿大夫檢校太傅持節相州諸軍事行相州刺史兼
御史大夫上柱國隴西郡開國侯食邑一千二百戶食實封二百戶
李漢瓊白倭授術飛騎馳名荷拯我東津之權嚴而中令積斬將寧
旗之効勇以立勲自膺分闔之榮克奉頒條之寄事惟不撓法亦無
私推忠宣力同德功臣彰信軍節度曹州管内觀察處置等使光祿
大夫上柱國彭城郡開國公食邑一千二百戶食實封二百戶劉遇
雄林磊落武略縱橫威而不殘寬而能斷策戰功之不一登勇將以
居高向錫虎符往臨侯社敷惠和而立政執忠順以事君禮爰屬於

燔柴覲俱申於輯瑞宜增食賦兼陟勲階樹德務滋可以永終多福
慎終如始可以長保徽猷欽哉二臣無替朕命漢瓊過可

劉遇崔翰加恩制

門下我國家三代同風百神受職裁壇紺席園邱奉昭事之文尺籍
伍符方面委元戎之寄錫茲並命屬在名匠具官劉遇器業宏深聲
光顯赫稜直陣法潛通九地之元諸葛戰機自有七擒之妙具官在
翰材謀剛決氣貌雄校卻穀治兵時謂詩書之將留侯佐主深懷惟
握之謀而皆昭著戎功詳閑政典自歟中軍之柄威膺分閭之權安
邊則頗收齊名撫俗而藝黃樓武過者將陳大禮臺貢飛章適當莫
玉之時恭備獻琛之禮肆疇亮節優示寵靈是宜改賜功臣榮增封
邑賞爾惟良之政知予進律之恩於戲任重直茅官崇仗鉞履此垂
裳之運方開偃革之期移訓練為葦綏彌機鈐於政教輔成王道永

作賢侯遇可特授翰可特授

錢惟治孫承祐李繼捧加恩制加恩拱口年

門下恭壇昭事迎上帝之降祥魏闕覃恩荅諸侯之助祭矧介滿之
傾竭奉王室以恭虔爰被寵章式昭優渥具官錢惟治勲門始慶侯
國傳榮閱禮教詩究是承家之器分茅胙土尋膺列辟之封具官孫
承祐義府脩身齊壇受寄臨戎撫士早彰英偉之才問俗宣風蔚有
循良之舉具官李繼捧金方稟銳玉塞知名大旆高牙不墜弓裘之
業文茵暢轍瓦承鍾鼎之勲而皆輔翊昌朝鎮臨雄閫忠同金石廟
尊主之深誠操尚松筠懋殿邦之丕績屬園邱之大饗沛麓澤以無
私金輅還宮遽聽采非之曲瑤階錫福咸增采石之封仍推進律之
恩並賜張封之號宜各膺於朝獎富善守於藩條用荅寵綏載彰休
問惟治可特授承祐可特授繼捧可特授

李繼捧移鎮制雍熙

門下朕賞奉國圖樞司人紀治萬邦之至廣率二柄以居先宜以割
辰式宣明命告于有位示我推公其官李繼捧紹緒祖宗勤勞藩屏一
獻琛奉贄務持事上之心服苞來軒允執來朝之禮爰自優游魏闕
輝耀周行殿河朔之封疆已遠星歲易漢東之土宇別行風誥載觀
綏撫之能益重懷柔之旨於戲權分節制位正逾侯人臣目之為寵
榮民吏仰之為主帥至廉至慎斯須無忘於修身性孝惟忠然後可
勝於重祿揚我休命爾宜欽承可特授

劉繼元授保康軍節度使制

雍熙三年十月
二月癸丑

門下無黨無偏是稱於王道有始有卒方謂於聖人朕稽彼古先恭
臨大寶遵創業守文之理思棄瑕用大之言申彼至公告於有位爰
詢剛日利建元侯開府儀同三司檢校太保右衛上將軍兼御史大夫

彭城郡公劉繼元頃在并門隱為敵國干戈門罪初與九拒之謀
鑿路親征歸我一平之運御壁既輸於誠款執珪尋列於朝班感予
在宥之恩脩罄資忠之節園邱展禮齋裝見助祭之容載殿宴私溫
克盡為臣之禮緝有令譽流於衆多是宜特舉徽章授茲節制顯示
憂豈之澤全其富貴之心仍進戶封永忠闡寄於戲昔之孫皓叔寶
不聞分命於山河近則孟蜀李吳止是流連於京闕庸斯重委斷自
朕心勉樹風聲永蕃王室可特授依前檢校太傅持節房州諸軍事
房州刺史兼御史大夫充保康軍節度房州管内觀察處置等使

米信彰武軍節度使制

雍熙

門下人惟求舊實有國之宏規德音日新乃為臣之亮節其有早推
忠孝宿東端莊方繫平塞之功偶失貞師之律雖行微遠難抑壯圖
宜頒綸綍之恩復授節旄之寵庶觀來効以贊丕基具官米信聞世

偉人佐時飛將百戰咸欽于果毅三軍早藉於撫綏捷許國之純誠
皎如日月著扞城之殊績煥若丹青自與帶礪之盟實處腹心之寄
一昨敕臨蕃之生聚興問罪之車徒資爾機鈴覆其巢穴雖原野頻
經於苦戰而龍緜久滯於長驅既稽蕩定之期須舉逗留之責自從
容於環衛彌激勵於精誠宜頌湛露之恩俾復苴茅之任任殿延安
之重鎮庶揚朝漢之雄名美秩責階功臣并賦併以授爾予何愛焉
於戲拾遺從新跡取蕩垢非子果斷不能明爾之深心非爾忠純豈
得復予之廣澤更懋提戎之遠略佇成破敵之殊勲勉荷瀉恩無忘
丕訓可時拔

崔翰定國軍節度使制 雍熙

門下天子建國必選賢而任能諸侯有功則加地而進律朕標文武
之大柄居華夏之至尊名器無私忠勞是屬伊我良帥時惟舊勳爰

旌坐樹之威更建爪牙之寄具官崔翰韜鈴夙賦仁勇兼資挺鶴立
之雄拔有虎臣之英傑安民布政則浴詠甘棠訓士戒嚴則風生細
柳邊事每勤於經略壯心自許於國家是宜降北開之殊恩臨左馮
之重地關輔素推於真壤旌旄用慰於來蘇仍益爰田併陸異渥爾
其冰霜勵操金石推誠慕辭第於前賢追勒銘於往事為吾保障賴
爾腹心永享崇高勿忘訓誓可特授

宋朝大詔令集卷第一百三

宋朝大詔令集卷第一百四

武臣二

崔彥進復官制雍熙

門下乾坤無私蓋舍容之至廣江海善下因停蓄以攸尊朕體道垂
衣握契當宁取長捨短所以推赤心宥過錄勲所以恢大信欲盡用
材之義爰徵求舊之言是擇剛辰載舉成命具官崔彥進便蕃戎閫
綿歷累朝秉純厚以立誠仗恭勤而奉上冠恂河內深洞達於政經
魏尚雲中頗諳練於邊事昨者授之成算貳彼出征既違紀律之文
遂作遐邇之欲朕力排廷議獨斷群疑將遠馭以資忠遂薄懲而示誠
自居環衛俄涉歲時而聞益勵增修動深循省鯨漏網而良非獲已
蠅玷玉而河真稱珍是用盡滌前非俾伸後効復膺推轂往鎮近藩
預論道之重資美褒功而加邑俱為異渥特示曉懷朕之於臣斯亦

王矣爾其荷茲綸綍竭力肺肝夙宵勿忘於揣摩甘苦必同於士卒
惟將身許當盛世而建功不以家為効前賢之立志服我明訓保爾
令猷可特授

趙保忠加恩制 淳化元年

門下朕司牧蒸黎居尊寰海天地之所覆載日月之所照臨書軌大
同聲教無外改紀年之流適履元正推在宥之恩以順和氣其有土
茅荷寵旄鉞傳家副我倚毗為予保障得不舉時庸之典稽懋賞之
文具官趙保忠義則君臣親由父子為高門之良胄富朔野之英材
獻藉來朝早見舉宗之恭順蕞封舊地能安奕世之土疆師貞而紀
律申明政洽而袴襦和煦式當行慶方切念功絲綸爰降於九霄渥
澤用光於十乘錫井田之多戶增邱甲之真封保壯戎容益雄閭寄
於戲貴為將相位重公侯有愛有威則民俗感恩而稟令惟忠惟孝

則神明助福而降祥克隆家國之勲更茂弓裘之業服我訓勵永享
崇高可

安遠軍節度使錢惟濬加恩制淳化元年

門下帶礪同盟西漢龍王侯之位江山挺秀東吳生俊傑之臣殊功
則奕世貂蟬美譽而一庭蘭玉早膺異禮別舉徽章具官錢惟濬孝
則因心忠惟令德佩服詩書之訓張皇閎閱之門藉邦曾殿於兩藩
上國聯榮於三鎮加以謙而好禮貴不驕人拂霧朝元備盡肅恭之
節宣風鎮俗遙分撫養之名嚮以在疚端憂奪情有命邊鳳池之二
品兼虎節之十連愛戴益堅齊莊無逸是用因獻歲改元之始迺溥
天覃慶之辰奉邑真封併加懋賞崇官重錄愈稱新恩於戲爾先之
積德累功垂於信史爾身之英才令望播在昌朝勉思三世之嘉猷
翼我千齡之景運可

鎮州節度田重進加恩制淳化元年

門下常山巨鎮真定名藩南臨趙魏之郊北控燕雲之塞非英才不能
可以撫俗非雄略不可以安邊我有忠臣膺茲重寄具官田重進好
謀有勇臨事無疑搖羽扇以揮軍執調戈而衛社山河著誓昔刑白
馬之盟日月得天早會飛龍之運爰自輟從肘腋付以腹心委元戎
十乘之權授三令五中之制而能寬則得衆募中之賓客盡心奮不
顧身帳下之偏裨用命貞子師律知爾將才屬茲覃慶之辰宜以推
恩之典既加奉邑仍益真封用寵勳賢斯為異渥於戲式遏亂略勤
勞王家豐功則顯列旂常懋賞則榮分節鉞當年富貴封侯豈讓于
韓彭蓋世勳名佐主永高於衛霍宣揚武力保佑皇朝可

崔韓加恩制淳化元年

門下改號紀元當四叙之伊始推恩行慶順三陽之布和蓋慮德未

動天仁不周物思與率土同臻大中况我勲臣方提戎律伏旄鉞而
克清邊塞降絲綸而宜舉徽章具官崔韓忠節明試周材幹蓋夙契
風雲之會早膺茅土之封嚴重可以摠十連惠和可以安十里効去
病之辭第海勵純誠想孟堅之勒銘思齊茂績合膺出綽適示疇庸
芝泥爰錫於命書采邑俾增於歲率仍如真食用壯雄藩爾其鐵石
為心冰霜勵操肉飛山立冠勇氣於萬夫弦急章寬兼政能於四善
佇靈臺之匪伯期煙閣以圖形欽承寵光永戴興運可

米信加恩制淳化元年

門下順特司令王者所以奉先褒德賞功國家所以行慶鳳麻方新
於大號鴻休允洽於四方宜伸進律之恩以重握兵之寄具官米信
驍勇無敵智勇不群有藩翰之舊勲乃節旌之良帥而自統茲師律
恢我武經資虎繞旗鼓之威保襟帶山河之地豐功利俗克揚露冕

之風明峯安邊屢獻前茅之捷嘉乃玉績為予蓋臣三朝方屬於履
端列辟宜伸於懋賞益其真食增以戶封告於明廷用叶公望於戲
爵祿之設所以錄勲勞封疆之勤所以報榮寵爾惟盡瘁服我寵靈
可

張訓加恩制淳化元年

門下朕恭承寶命祇荷丕基方期在宥於域中敢不勵精于人上惟
國良將為予蓋臣安邊方倚於大藩行慶固先於群后爰以休命告
彼公期具官某忠以戴君勇於報國威聲可以震殊俗機略可以決
群疑統絕緜而久衛宸居擁旄鉞而榮分闡寄自臨巨屏以長萬
夫今行而旗鼓風生惠洽而山川雨潤藹然今望著彼一方屬茲獻歲
之辰式舉賞功之典益其真食增以戶封用報勲勞無怙優異於戲
行爵出祿所以旌有功受命忘家所以成茂績爾惟盡瘁服我寵靈

劉繼元加恩制淳化元年

門下朕以握圖御宇端冕臨朝當勾芒布令之初屬太簇均和之始
宜順時而行慶異與物以惟新爰推作解之恩復舉疇庸之典具官
某氣鍾淳粹道著謙恭挺拱柱之明誠抗朝宗之亮節靜專循默見
傾輸奉上之心動率變通得明哲保身之道爰自膺然綸於丹陛擁
旄鉞於雄藩體予求之懷屬乃安民之術方覃大慶宜被殊恩并
田載廣其疏封真食率由於加等是宜荷茲眷注罄爾忠勤永隆屏
翰之功克保始終之分長享富貴豈不美歟可

劉延翰加恩制淳化元年

門下朕順考古道欽承大猷慕皇王垂拱之風應天地發生之氣紀
元改旣與品彙以咸新褒德賞功體時令而行慶矧惟方面式仗勳

賢用仲寵靈諒允命騰具官某武能却敵智足應機挺峻拔之奇姿
稟堅剛之異氣執戈衛社松筠之貞節不渝仗鉞臨戎豺虎之英威
自振克奉疆場之寄已銘帶礪之勲資爾忠勞我為藩屏式降旌辭
之命用均渙汗之恩增以戶封進其真食朕於勲望夫何怯焉於戲
竭忠正以事予德無不報加寵章而待汝思實無私宜保乃心用服
予訓可

李繼隆加恩制 淳化元年

門下我國家卜世卜年寶運啟無疆之祚如礪如帶列侯分燾土之
封惟屏翰于大邦在忠勞之良將應四序發生之候行二儀普暢之
恩咨我薰臣允膺休寵具官李繼隆英姿挺立亮節不群習三陣之
機矜有七擒之智略仗鉞受封疆之寄橫戈推金石之心臨戎則勇
實無前撫士則寬而有裕壯予邊鄙資商器能而又閱禮敦詩著名

臣之令望好謙樂善懷哲士之清風採於輿言允謂賢帥式舉賞功
之命雅符行慶之辰益以戶封進其真食罷予才傑無恠便蕃於戲
穰苴以受命忘家去病以禦戎辭第惟昔賢之令躅著青簡之耿光
勉徇功名副茲眇倚可

錢惟濟落起復加恩制淳化元年

門下緣情制禮聖賢既著於通規以道事君忠孝貴存于具美其有
早聞在疚勉徇奪情當日月之既除宜絲綸而降命具官某賢王令
嗣昭代純臣河貝彘文自稟公台之相調戈鞏甲咸推將帥之才檢
身靡恃於重侯折節常聞於下士爰自方榮侍膳遽屬寢苦曾子絕
漿曲盡執親之禮晉侯始墨旋膺順變之文既及外除無虧子道俾
荆從權之號仍加食采之田於戲累世勲庸藏於盟府當年富貴光
彼德門常思帶礪之言無忽盤盂之誠欽哉丕訓斯為令圖可

錢惟治落起復加恩制淳化元年

門下移孝資忠乃為亮節承家事國始謂純誠我有良臣享茲全德
既畢苴麻之禮宜頒綸綍之恩具官某氣稟星雲心堅金石晦功名
而不宰處富貴以無駟閱禮敦詩因潛資於韜略輕裘緩帶常獨示
於優閑加以政術融明襟懷洒落班條臣屏威排阜俗之才抗疏丹
墀屢有遺榮之請愈見貞純之操實敦廉潔之風自屬哀推顧聞毀
瘠殆將滅性適及外除宜還馭賞之崇階仍益爰田之多戶於戲修
身之孝無忘孔子之言心復之榮勉維滅孫之後益思砥礪緝我寵
光可

高瓊加恩制淳化元年

門下朕受命上元作民元后御明堂而布政執大象以居尊體乾坤
煦妪之仁法雷雨涵濡之象屬茲元會用沛鴻休言念勲勞何怯憂

涯具官高瓊志惟許國忠實忘身勵勇氣於熊羆純誠於金石而
自擢其材傑付以節旄築壇膺將帥之權推轂受疆場之寄而能橫
戈奮勇執戟揚威有孫吳取衆之方得頗牧禦戎之略通行慶賜宜
被寵靈是用增以戶封益其真食仍寵加於侯爵用併示於朝恩於
戲建牙仗鉞之勞爾宜思報礪岳帶河之誓予非敢欺膺此訓辭吏
茂歟績可

張旻移鎮開府儀同三司制

天禧二年十一月辛丑

齊壇受律本諸侯分閭之雄黃閣兼榮同上宰秉鈞之貴其有早隆
勲望夙稔謨明竭心膂以致君積勞能而許國舉茲朝命式獎信臣
河陽三城節度使起復冠軍大將軍校檢太尉兼御史大夫上柱國
清河郡開國公張旻克富鄉村懽為邦傑詩書得學金石存誠頃嘗
視武邊陸摠戎禁掖有經遠之明略臨事君之茂功荐以徽猷翼于

樞近屬中戚於大旆俄銜恤於素冠既腰經以奪情且執圭而來覲
朕曩由儲帥倫觀志公得將帥之宏規翰文武之英術是用錫之瑞
節鎮彼彭門佩以印章借於漢弼仍益井田之賦允優綸綍之恩荷
此寵靈永孚厥位可依前檢校太尉同中書門下平章事行徐州大
都督府長史充武寧軍節度觀察等使加食邑一千戶食實封四百
戶

陳堯咨武信軍節度使知河陽制

門下國家建侯胙土授鉞殿邦以鎮撫戎虜屏翰王室爰議登壇之
拜允資名世之方叶是僉前式申誕告武勝軍節度觀察留後金紫
光祿大夫檢校太保使持節鄧州諸軍事御史兼御史大夫上
柱國潁川郡開國公食邑四千五百戶食實封一千八百戶陳堯咨
學該韜略心富經綸早逢熙盛之辰首入英雄之彀亟升撫任驟陟

榮塗哉成帝誥之言偏歷詞臣之職侍中天之內閣戴文昌之六官
凡所踐歌益彰問望乃至撫臨藩郡尹正神畿刺繁劇而有餘振綱
條而不紊尋領觀風之仕居多鎮俗之方爰自帥聯總司留務長萬
夫而賦政克壯其猷超一節以來朝增隆乃眷疇茲瓶典久注予懷
特非進律之文伴正中權之節擇遼寧之巨鎮遂建高牙守益津之
奧區佇頌美化舉斯優渥蓋示褒榮於戲啟茅土之封既推異數為
詩書之帥無媿前良被荷明恩勉圖懿効可特授依前檢校太尉使
持節遂州諸軍事遂州刺史兼御史大夫充武信軍節度遂州管内
觀察處置橋道等使知河陽軍州事兼管內河堤勸農使散官勲封
食實封如故

宋朝大詔令集卷第一百四

宋制大詔令集卷第一百五

武臣三

狄青落起復加恩制

門下盡誠而思孝聿臨終制之期陳力以在公宜去奪情之說載稽
明式庸降寵光具官狄青優異智謀素推驍果屢膺戎寄久練武經
往者西師在邊外將勤略叅著帷畫助嚴邦威擅賈復折衝之能得
亞夫特重之體報功居寂騰譽寢高方厚委毗旋擢出蒙起之宜經
躋以節旄惟孝謹之克成矧忠勞之薰峙歲月云既徽章用加增之
峻階併衍封邑於戲瑤疆之重戍更之煩顧其謀猷繫在帥領惟盛
明可以安事體惟信順可以服人心勉思善經毋替前効可

狄青彰他軍節度使加恩制

門下萬夫之長所以觀師政之宜四方于宣所以寄國節之重誠治

外之攸繫固用人之匪輕我有勲賢時惟卽任當圖茂績以正中權
載諏剛辰敷告列位異官狄青體沉鷲之度懷志毅之資策名共鋒
受任邊瑣權謀形勢該通四種之書叱咤喑鳴居擅萬人之敵自種
方之背德至邊吏之載書綿試于茲寔由四紀增兩使之留務兼七
萃之禁管委之朔郵俾人戎索迨邊塊苦之戚起從金革之權立卽
益堅厯時茲久戎防有謚強候弗詳每念膚公蓋先懋典用宣猷於
庭論且俾視於版圖得彰化之全軍控密須之近壤徃班瑞節虢領
將衛以至增環尹之階進告主之爵名近田而衍食更重孰以報功
併示寵嘉以殊獎遇於戲建旌居內制閫在邊有杜有民可以述宣
條教足兵足食可以綏定疆場勉恢合圖毋忝我謀帥之舉可

張汝實依前檢校工部尚書充寧遠軍節度使加恩制

嘉祐

元年
恭謝

門下朕嚮以日中聽政夜分觀書雖禹湯求理之心未嘗敢忘而黃
老養性之術頗有所虧賴穹厚之惠康蒙宗社之教佑善氣未復吉
履以強恭即路朝述修祀事以虔大報用答元祺藩岳底貢而畢臻
神祇呈貺而胥祿鴻享之夕儀物粲然丹燎告升休景彌燭策勲有
典班昨著文眷言戎翰之臣用孚建瓴之慶具官某誠節果壯志度
深沉濟美本於勲良好媒通於奇正習安邊之將略善於拊循佐絕
域之使才得其要領以忠謹之操入衛於巖虛以武毅之風出分於
制殺牙旗云建師律有嚴十國為連提普寧之輿壞萬夫觀政殿上
黨之強藩封守以安方貢惟謹遠成熙事均賦祥釐參輝內外之勞
昭示幅員之慶時惟良帥崇以勲民仍開衍食之封益示陪敦之寵
茲為異數庸頌茂功於戲邦國用光天人助順康哉之慶豈獨在予
需然之恩庶均惟屏往服茲寵益慎爾獻

張茂實檢校司徒某慶軍節度使加恩制

嘉祐八年
某未即位

門下狀欽承顧命復慕慶基永惟守衛之難彌深注倚之意眷言宿
帥方殿近藩爰擇剛辰式加朝渥推忠保順朔衛功臣淮康軍節度
蔡州管内觀察處置等使光祿大夫檢校司空使持節蔡州諸軍事
行蔡州刺史兼御史大夫上柱國清河郡開國公食邑六千五百戶
食實封一千六百戶張茂實性根忠謹氣稟沉雄蘊智畧以自將契
風雲而感會內則典兵提旅著宿衛之勤外則禦侮折衝副推轂之
望加以肅祿畏事勤瘁躬躬遠名勢以不居享富貴而能保壯猷益
茂進律是宜峻視秩之崇往敷五教曷擁旄之寄遂長十連衍真食
以陪敷蓋戶封而光啟於戲高秩厚祿無怯于褒嘉顯績英姿勉圖
於報稱無煩多訓往服恩章可

姚雄加檢校司空奉寧軍節度使致仕進封開國公制

政
紀

元年十二月十一日

門下壯猶方懋肅將師律之嚴旅力既愆式燕里居之逸義國齊於
出處禮均厚於始終申實恩章誥敦渙號武康軍節度洋州管内觀
察處置等使持節洋州諸軍事洋州刺史提舉西京嵩山崇福宮上
柱國吳興郡開國侯食邑一千八百戶食實封六百戶姚雄資函沈
勇世服忠勞凜然介曾之容濟以鈐符之略內拊循于徼衛外均制
於戎區自奮直前蓋稟山西之勁所當輒破尤高河表之勲暨復起
以造朝屬荐膺于分閫救寧武事屢奏膚公方注意以程能函承情
而告病俾休祠館始徇所安惟閔囊封莫回厥志再念爪牙之舊閔
勞官職之勤勉遂辭榮豈無懋寵峻冬卿之視秋易輔鎮之齊莛序
尚疇庸加田衍賦併為優渥式增耀于言歸想在老成宜益敦于報
効於戲壽胥與試副予黃髮之詢公爾忘私時乃素懷之尚勿云謝

事而有邀心可

劉法保大軍節度使充熙河蘭湟路經略安撫使馬步軍都

總管知熙州制

政和六年五月二十六日

門下周官以八柄詔王莫先馭貴左氏以七德經武亦曰定功迺眷
爪牙之臣克勤疆場之衛消辰錫命孚號揚廷具官姓某器宇沉雄
性資嚴異奇謀必中擅玉帳之威名義勇無前稟金行之勁氣久共
武服積有戰多茲統銳兵往築新壘悉乃心力濟予事機誅斬寇讎
曹隻翰之不返肅清邊徼方百堵之皆興用荅殊庸特頒優賞洛郊
顯鎮俾進秉于將旄狄道雄藩兼罷專於帥閫益隆寄任併示褒嘉
於戲往城于方出車所以美南仲用錫爾祉江漢所以命召公無替
前修尚觀逸業可

張維加恩制

政和六年宗祀

門下朕祇荷天明丕承芳翼誕舉宗祈之典越伸昭配之誠陟對一堂穆若帝親之饗賓筵五室恍兮物象之殊方熙事之脩成有湛思之汪濊肆揚廷號以寵忠勞具官某挺德粹溫秉心恪慎疏榮分闈靡聞矜大之允領使真祠彌勵寅恭之節屬肇嚴于新禮宜共享于鴻禧申行真祖載陪多賦用隆眷遇允協彝章於戲夙我思成既稱秩于元祀受茲介福其錫予於善人益勵爾為以欽朕訓可

郭重加恩制詞

門下朕紹承列聖之休稽考先王之典肇新重屋申講彌文用嚴祀事之明允盡孝思之則天人無間福祿未成眷言宿將之良比護用廬之近式均惠術孚告治廷具官某氣節沈雄才資勇毅蚤共武服馳塞外之威名久握兵符肅軍中之紀律赴功不懈取衆有方力丐便安載加勳舊寵以齋壇之重假之祠館之間屬擢精禋肆歡慶澤

加田莫食拓井陪封於戲來熙來宜寧共既神之祉惟忠惟孝尚堅
衛社之誠仰服恩華益祇丕訓可

劉法檢校少保制

政和四年四月七日

門下和衆安民蓋本聖人之德第功行賞茲為王者之權眷時宿將
之良蚤列元戎之責載稽勞烈式示恩章播告治朝誕乎群聽保大
軍節度使充熙河蘭湟路經略安撫使兼馬步軍都總管兼知熙州
軍州事及管内勸農使並城郡開國侯食邑一千七百戶食實封四
百戶劉法沈雄而獨斷精勇而善謀事不辭難竭智能而自奮義無
反顧仗誠信而必行頃分洛水之旄出鎮臨洮之寄戎容克壯師律
加嚴潛破陰謀豫圖遠計衆入其阻兵無缺矢之遺往城于方地據
襟喉之要烝徒不擾斥候甚明既宣力之滋多豈疇庸之可後宜視
戴公之峻式昭次保之榮寵數特殊眷懷良厚茲振軍中之氣愈嚴

關外之威於威懾我六師久倚干戈之衛辟國百里荐分疆場之虞
尚有乃心徃祇朕命可

姚古檢校少保制

政和七年九月十六日

門下保邦馭遠莫先經武之謀制爵序勞斯有懋功之典乃聽乘邊
之帥嘗專統衆之權既上庸公宜疏決渥肆盼恩紆多告朝紳昭慶
軍節度使充環慶路經略安撫使馬步軍都總管兼知慶州軍州事
及管内勸農使吳興郡開國公食邑二千二百戶食實封伍百戶姚
古智慮沉深材資鷲勇家傳方畧識兼龍豹之攷世有威名令信貌
貅之旅荐守慶陽之藩翰實當西夏之襟喉比命樞臣出宣廟筭式
煩總護徃遊討除臨衝間閭傳堅城而亟下征夫捷捷乎群醜以具
未功初易于建瓴勢終同於破竹包劇山川之險坐安障塞之虞茲
飲至以勞還首疇庸而進律視儀亞保衍食真封以增閭寄之榮并

暢天聲之廣於戲方叔率止固已壯於師于古伯成之尚克平於疆
土勉祇朕訓益勵爾猶可

劉法檢校少傅制

政和八年八月五日

門下陳干戈而示告時惟天罰之恭行鼓鐘鐸以愷還茲重王師之
大猷肆舉策勳之典時先奮武之臣爰輯朝紳誕賜命綵檢校少保
大軍節度使充熙河蘭湟路經略安撫使兼馬步軍都總管兼知
熙州軍州事管白神霄玉清萬壽宮及管內勸農使鼓城郡開國公
食邑二千二百戶食實封六百戶劉法材資剛毅智慮沉深夙懷忠
信之誠兼究攷鈴之學任方面之寄居則閱禮樂而敦詩書整軍旅
之容動則貴攻取而賤退守名震邊裔之草木計安洮隴之金湯每
邁烈烈之征益見多多之辨屬夏臺之干紀咨公保以撫邊載常服
以飭戎車首用鷹揚之帥奉靈旗而指伐國俾平蟻聚之區曾無頓戟

之煩遂益堅城之險襟喉肇據壁壘並興繼代廣聲蓋莫如於今日
懋功詔爵宜顯答於殊勳用陞亞傅之班增衍秩田之錫於戲功多
而賞則厚子用勸於臣勞輔周而國必強爾尚恢於將略往祇思涯
務體訓言可

姚古檢校少傅制

宣和元年六月十七日

門下王者之兵本仁義蓋禁暴以安民天下之將通神明用折衝而
禦侮眷子良帥久扞邊陲肅將威罰之行茂錫愷還之渥肆欵制紵
用置朝紳檢校少保昭慶軍節度使吳興郡開國公食邑二千七百
戶食實封柒百戶姚古資尚沈雄氣懷宏遠寬嚴有制得將略之五
權機速如神達兵家之三陣自領幹方之寄益昭恢武之絳克壯其
猷不顯亦世屬夏臺之匪茹咨振輔以有征校鉞興師式副採薇之
命執俘獻馘俄收破竹之功要衝連下於三城震壘坐清於萬里方

款叩關之敵遂開偃伯之期戎乘啟行已著持軍之功介圭入覲敢
忘詔爵之圖用陞亞傅之崇資仍頒介藩之舊節文武是憲威儀則
多於戲橐弓矢而戢干戈予式敷于文德敷詩書而閱禮樂爾尚保
於智名往體至懷益綏慶譽可

郭仲依前建武軍節度佑神觀使加恩制

宣和元年冬祀

門下朕荷霄晨之眷命遵祐室之詒謀稱祀迎長並受百神之職推
恩肆宥聿同萬宇之休眷言爪士之賢嘗典五符之重遠茲廣餼敢
後疇庸肆申出綍之華式告造廷之衆具官某職材果毅秉節沈雄
肅介胄之容動必形于忠義護繞練之旅久益著于恩威中甸便安
荐加優渥俾使琳宮之遽仍分金鉞之雄屬熙事之涓成哀慶條而
誕舉徽圭表賦益戶衍封於戲祗戒精專茲獲居歆之貺亟蒙祉福
特蕃賚予之私尚服恩榮益祇猷訓可

劉仲武加恩制

宣和元年九月

門下朕治百禮於熙晨肅六蜚於近甸陞侑烈祖燕及皇天精意上昭茲親德而饗道景光下燭示遺祉以發祥靈承滋至之休敷錫無疆之福矧予宿將可復寵章瀘川軍節度使提舉亳州明道宮鉉城郡開國侯劉仲武稟姿沈雄植德端亮有嚴有翼智略洞乎韜鈴不吳不揚威聲聞乎草木聽若敵國賢於長城閭將擁旄屢閱膚公之奏琳宮曳組載隆恩禮之優茲于大報之成宜有麗禧之寵陪之采邑衍厥戶封於戲中命用休既特均于慶賚永錫難老尚克紹於謀奕往服褒嘉益綏燕譽可加食邑五百戶食實封二百戶

高敷復建武軍節度使醴泉觀使制

宣和二年五月三日

門下爵以馭貴祿以馭富所以作人主之福威能者服未賢者服休所以等朝廷之位叙若時諸將護以元戎蓋必有非常之功然后行

不次之賞暴揚偉烈播告在廷崇信軍承宣使提舉西京嵩山崇福宮安康郡開國侯食邑一千二百戶高敷復謹畏而小心沈毅而有勇任職滋久而未嘗有過遇事不擇而居惟盡忠源之深者流必長善之積者慶不揜煌煌朱輪駟馬之盛粲粲金章紫綬之駢眷爾嗣人事予潛邨赤心左右一節初終如宋昌以謀議而戴孝文如王常以親信而從光武服在掌武均于柄臣屬者杖使節以載驅銜王命而抗論凜凜而義形于色諤諤而言皆匪躬相如入秦爛然完璧之蹟蘇武守節壯哉引佩之辭奇節隱而不言信賞稽於時舉有嘉謙德本協師言肆頒朕思用馳爾父彫戈蕩節授建武之旌皂蓋朱轡易崇信之帥均休真館衍食棘田併示殊私於昭異禮於戲功大者賞不可後罷至者志當愈堅眷惟老臣奚俟多誥守義方之訓有懷孤寔之教忠及親仕之榮兼厚曾參之孝養永終壽考益礪精忠可

檢校少保建武軍節度使韓正提舉嵩山崇福宮制六年

勅玉帳論兵出擁將旄之重琳宮嚮道入參台紱之華眷惟武德之
臣嘗委侯藩之寄特頒休命以答丕功具官某器識宏深才猷俊偉
蹈恭勤於世習煎義勇於天資頃膺推轂之求備整守邊之略宣力
匪懈之分閭外之憂治衆有方時迪師中之吉肆嘉禾覲益侈褒章
邁節彫戈極元戎之異禮繡裳朱鳥視次保之彛儀齋餞不移真祠
自佚既陪敷於邑賦復增衍於邦租并舉恩徽式昭厚過於戲崇階
顯秩授宣予私壯志純誠報將汝責惟謹恪可以圖終譽惟忠孝可
以保寵崇勉宣令猷無墜明訓可

宋朝大詔令集卷第一百五